

ზაზა ფაჩულიაზე დეზივით იმოქმედა მისი მწვრთნელის მაიკ ვუდსონის საგაზეთოდ ნათქვამმა, ფაჩულია მუშა ცხენივითაა, მაგრამ აშკარად მოუკლო, მეტი შეუძლია და მოეთხოვება, ვიდრე ამ ბოლო დროს აკეთებსო. კრიტიკული ნერილის გამოქვეყნებიდან რამდენიმე საათში ორმაგოვერტაიმიან ჯახში ზაზამ 26 ქულა ჩაუგდო „ნიუ იორკს“ და ნბა-ში თავისი რეკორდი 3 ქულით გააუმჯობესა. მისმა „ატლანტამ“ კი ეს თამაში 117:121 წააგო.

EXCLUSIVE

ფული და სამყარო, მწვრთნელი პატარა გუნდში, შეტევა და სიჯიუტე, ესთეტიზმი და კუნთების თამაში, უეინ რუნი და რონალდინიო, მაურინიუს არმოსანონი არჩევანი და ისიც, თუ მწვრთნელობის გარდა კიდევ რაშია სამაგალითო ლუის ვან გაალი — თანამედროვე ფეხბურთის ერთ-ერთი თვალსაჩინო და არაორდინარული სპეციალისტი „სარბიელის“ კითხვებს პასუხობს და, რა თქმა უნდა, შოთა არველაძეზეც საუბრობს.

დავით თავართქილაძის ექსკლუზიური ინტერვიუ ლუის ვან გაალთან იხილეთ მესამე გვერდზე



ტოპეიოლარი იქ არ მოხვდა გერმანელი საქართველოში ეროვნულს ვერ ხედავს



ამოდ ველოდით გუშინ ეროვნული ნაკრების დამრიგებლის პრესკონფერენციას. კლაუს ტოპიოლერი და რაფ მინგე „დინამო 2“ — „მერანის“ შეხვედრას დაესწრნენ, ჰაინც ტოპიოლერმა „ზესტაფონი 2“ — „მალაროელს“ ადევნა თვალი, მერე კი გვიან საღამომდე გავრძელდა მუშაობა ეროვნული და ახალგაზრდული ნაკრებების შემადგენლობებზე, რომლებსაც დღეს გამოიტანენ სამსჯავროზე.

გუშინ კი ამის შეტყობადა მოვახერხეთ: საქართველოს ნაკრების გერმანული სამწვრთნელო შტაბი ერთობ გულგატეხილია ჩვენი ჩემპიონატის დონით და მაქსიმალურად ცდილობს, სააღბანეთო შემადგენლობა გამოკლებული ლეგიონერების ნაცვლად ლეგიონერებით შეავსოს. უკვე ცნობილ გვარებს დავით მუჯირი, ლევან ცქიტიშვილი, გოგა გახოკიძე და ოთარ ხიზანიშვილი დაემატნენ, რომლებიც ასევე ვერ წაჰყვებიან ნაკრებს აღბანეთში. სამაგიეროდ, ტოპიოლერმა გოგია გოგუას, ვასილ გვიგაძეს, ზაალ ელიაშვილს და გიორგი ნოდარის ძე ჭელიძეს უხმო. „დინამო“ — „ამერიის“ გუშინწინდელი თამაშიდან ჰერ კლაუსმა ორი გვარი გამოიყოლა — დინამოელი ლადო ბურდული და ამერელი გიორგი დეკანოსიძე ეროვნულის კანდიდატა შორის არიან, ისევე როგორც ზესტაფონელი გიორგი ნუგზარის ძე ჭელიძე.

მიუხედავად იმისა, რომ 24 გამოძახებულიდან კლაუს ტოპიოლერი 10 ფეხბურთელსაც ვერ აგროვებს, აღბანურ სპარინგს დიდ მნიშვნელობას ანიჭებს, თუმცა მთელ იმედს მაინც მაისის ბოლოს ავსტრია-გერმანიაში გასამართ შეკრებას უკავშირებს. პარავგაელებთან 31 მაისთვის დაგეგმილი სპარინგის ამბავი არახალია და ასევე გადაწყვეტილია, რომ საქართველოს ნაკრები 27 მაისსაც გამართავს საკონტროლო შეხვედრას: „რიგში“ პირველი არგენტინაა და დიდი შანსია, სამხრეთამერიკელებთან შეთანხმება მოხერხდეს, თუ არადა, ქართველებთან გაჯიბრებაზე მსოფლიოს ჩემპიონატის მონაწილე ირანიც არ არის უარს.

გურამ დოლიძის ფოტო

უეფას თასი 2005-2006

მერვედიანი. საპასუხო მატჩები. ორეტი

ზინიტი (რუსეთი) 1:1 მარსალი (საფრანგეთი) (1:0)
1:0 კერუაკოვი (69), 1:1 დევი (74)
ლესკი (ბულგარეთი) 2:1 უდინეზი (იტალია) (0:0)
0:1 ტისონე (22), 1:1 ბორიმიროვი (52), 2:1 ტომაშიჩი (63)
სტრასბური (საფრანგეთი) 2:2 ბაზელი (შვეიცარია) (0:2)
0:1 ედუარდო და სილვა (3), 1:1 კარლიე (11), 1:2 ედუარდო და სილვა (26), 2:2 კანტე (78)

შალკე (გერმანია) 3:0 პალერმო (იტალია) (0:0)
1:0 კოზიკოვილი (44), 2:0 ლარსენი (72), 3:0 აზაუაგი (80)
შალკე: ფ. როსტი, რაფინია, დ. როდრიგესი, კრსტიანი, კოზიკოვილი, ფ. ერნსტი (გ. ვარელა 68), კ. პოულსენი, ბაირამოვიჩი (სანდი 85), აზაუაგი (ბაუმოიხანი 90), ასამოა, ლარსენი
მწვრთნელი: მიროსლავ ლაჟკოვიჩი
პალერმო: ანდრეა პილი, მარკო ბარბალი, ტერლიცი, კონტევი (ჯოვანი ტედესკო 50), ბარონე, კორინი, მუტარელი, სანტანა (მაკინეა 68), მ. გონსალესი (ბრიენცა 76), გოდეაში
მწვრთნელი: ჯუზეპე პაპადოპოლო
გაფრთხილება: რაფინია, ასამოა, მუტარელი, გონსალესი, ბარონე, ტერლიცი, ბრიენცა
გაძეგება: კორინი (43)
მსაჯი: გრემ პოლი (ინგლისი)
52 000 მაყურებელი

პეიტინი (ესპანეთი) 0:3 სტიუპა (რუმინეთი) (0:0)
0:1 ნიკოლიტა (54), 0:2 იაკობი (78), 0:3 ნიკოლიტა (82)
მეოთხედფინალის, ნახევარფინალისა და ფინალის წილისყრა დღეს თბილისის დროით 16 საათზე პოლანდიის ქალაქ ეინდჰოვენში ჩატარდება



გელზენიჩის „შალკე“ „პალერმოს“ განადგურება ლევან კობიაშვილის პენალტით დაიწყო, რასაც სიორენ ლარსენმა (189) და მიშენ აზაუაგმა კიდევ ორი მიამატეს



სტრასბური — ბაზელი. მასპინძლებს ორი გოლი ედუარდო და სილვამ (მარცხნივ) გაუტანა

გერმანია მეორე გუნდის მატჩები გადაღებული მატჩები პარლსრუე 2:1 ზაარბრუენი უნტერჰაინი 1:0 ფრაიბურგი	იტალია პრემიერლიგის მატჩები II ტური დუბლინი 1:0 დარი უოტარფორდი 1:1 ბრავი
--	--

როიალ ლიგა
ნახევარფინალი. პირველი მატჩები
ნიურნბერგი (შვედეთი) 1:3 ლიუნსტრიკი (ნორვეგია)
კოპენჰაგენი (დანია) 3:1 მიდტილანდი (დანია)



კობა ნაყოფია და გიორგი არევაძე

სიონმა წილები და სპონსორი გაიფორმა

ბოლნისელს საჩემპიონო ამბიციის გარდა საფუძვლიც უეჭვნათ

ბოლნისის „სიონი“ წილები გადანაწილდა და გენერალური სპონსორიანი ხელშეკრულებაც გაინარსა — ეს ყველაფერი გუშინ სასტუმრო „ქორთიარდ მარიოტში“ გაფორმდა, ღონისძიებას კი „სიონის“ მთავარი მწვრთნელი კახა ცხადაძე და გუნდის რამდენიმე ფეხბურთელიც დაესწრნენ.
„ჩვენ ჩემპიონობა გვინდა!“ წამდაუწყებლად ისმოდა ამ ღონისძიებაზე კლუბის მწვრთნელისგან და მართლაც, სატურნირო ცხრილს თუ შევხვდებით, „სიონის“ საჩემპიონო შანსები მაღალია და თუ მწვრთნელისგანაც და გენერალური სპონსორისგანაც უწყვეტ და მსუყე დაფინანსებას მიიღებს, ბოლნისელთა ამბიცია მართლაც რეალური იქნება.
ადრინდელი გარიგების მიხედვით „სიონის“ თანაბარი მწვრთნელი ბოლნისის გამგეობა და საწარმო „მადნეული“ იყვნენ, ახლა კი კლუბის აქციათა 51 პროცენტის მფლობელი ბოლნისის გამგეობა გახდა, 49 პროცენტი კერძო პირის, მეწარმე გიორგი ლომთაძის შეიქნა, ხოლო

„მადნეული“ კლუბის გენერალური სპონსორი იქნება.
გიორგი არევაძე, ბოლნისის გამგებელი: აქამდე გუნდს გამგეობა და „მადნეული“ აფინანსებდნენ და შევძელით ის, რომ „სიონი“ საქართველოს ჩემპიონატში მოწინავეთა შორის ყოფილიყო, ხოლო ახლა ჩემპიონობისთვის იბრძვის. იცით, რომ საწარმო „მადნეული“ ახალი მეპატრონე მოვიდა, რომელმაც გადაწყვიტა, „სიონი“ საკუთარი წილი გაეყიდა. თუმცა „მადნეული“ გუნდთან ურთიერთობას არ წვევს და „სიონის“ გენერალური სპონსორი იქნება. რაც შეეხება „სიონის“ 49-პროცენტის მფლობელს, ის გიორგი ლომთაძეა, „მინისა და მიწის“ მფლობელი, „ბორჯომის“ დისტრიბუტორი. „სიონი“ კი მხოლოდ და მხოლოდ ჩემპიონობისთვის გააგრძელებს ბრძოლას.
კობა ნაყოფია, „მადნეულის“ წარმომადგენელი: მაგლობა გამგეობას და გამგებებს, რომ „სიონი“ კვლავ ჩემპიონობისთვის იბრძვის. ახლა უკვე ყველაწარმო საფუძველზე

ლი იქნება საიმისოდ, რომ „სიონი“ ჩემპიონი გახდეს. გუნდს კარგი ფეხბურთელები ჰყავს და ისიც დიდი პლუსია, რომ კახა ცხადაძეა მწვრთნელი. მოკლედ, ჩემპიონობის დიდი იმედი გვაქვს. ბოლო დროს „მადნეული“ გუნდს ისე ვერ დაუდგა გვერდში, როგორც ამას „სიონი“ იმსახურებდა და მეტი დაფინანსება რომ ყოფილიყო, ამიტომაც გაკეთდა ყველაფერი — გაიყიდა პირიქით, რომელიც დაინტერესდა „სიონით“. „მადნეული“ კი „სიონის“ გენერალური სპონსორი იქნება. ბოლნისი ფეხბურთით ცხოვრობს და ეს რაიონი იმსახურებს იმას, რომ მისი გუნდი ჩემპიონი გახდეს. „სიონი“ უახლოეს დღეებში მიიღებს ჩვენგან ტრანშს. სპონსორული ხელშეკრულება ჩვენსა და „სიონს“ შორის სამწლიანია.
აი, ასე იყო საქმე „ქორთიარდ მარიოტში“. ბოლნისის „სიონის“ საპატიო პრეზიდენტი, საპარლამენტო უმრავლესობის ლიდერი დავით კორკიტაძე კი გუშინდელ ღონისძიებას არ დასწრებია.

დავით თაყაიშვილი

ფრანგებმა ქართველებს ფარკები დაასრეს

საქართველოს ფეხბურთის ფედერაცია ჯერაც ელის ფრანგების პასუხს იმის თაობაზე, თანახმა არიან თუ არა ისინი ფარკები — საქართველოს მატჩის ნოემბრიდან აგვისტოში გადატანაზე.
გეკოლინებთ, ევრო 2008-ის უეფასეულ კალენდარში გუნდებს მცირე ცვლილებების შეტანის უფლება აქვთ, თუმცა საიმისოდ ყველა მატჩის დასტურია საჭირო. ქართველებიც ფრანგულ პასუხს ელოდებიან და...

იქამდე კი საფრანგეთმა თავისი საქმეც მოავარა — გადაწყვიტა, რომ „მამლები“ კუნძულებს II სექტორში სომოში უმასპინძლებენ.
შეგახსენებთ, რომ თუ ფრანგებმა ქართულ-ფარკული შეთანხმება ჩაშალეს, შესაძლებელი იქნებოდა პირველ მატჩში 2 სექტემბერს სწორედ საქართველოს შეხვებოდა...

კახა ზალაგამიძე

ალბერტინი კალაქმას გაასილა

გუშინ მილანის „სან სიროზე“ საზეიმოდ და ცოტა ნოსტალგიური განწყობილება იყო. „როსონერის“ ისტორიაში ერთ-ერთი ყველაზე ტიტულანა ნახევარმცველი დემეტრიო ალბერტინი ფეხბურთიდან გააცილეს. „მილანმა“ მას დიდი გაცელება მოუწყო და „ბარსელონას“ ორი გუნდით შეხვდა: ჯერ „მილანს“ — „ბარსას“ 1994 წლის შემადგენლობებმა ითამაშეს, სადაც ალბერტინიმაც მიიღო მონაწილეობა და გოლიც შეავდო. მერე კი ნამდვილი „მილანი“ — „ბარსა“ იყო, თუმცა ოდნავ შესუსტებული შემადგენლობით. კახა კალაქმამ ამ მატჩში სრულად ითამაშა, გუნდებიც ამხანაგურადვე 1:1-ზე გაყარნენ.

ილია ნანობაშვილი



სარკიელი

დაინახეთ მწვრთნელი პატარა გუნდში!

თარგმანი
საქართველო

დავით თავართქილაძე

ალოისიუს პაულუს მარია ვან გაალი — ეს არის სრული სახელი იმ კაცისა, რომელმაც 90-იან წლებში ზღაპრული გუნდი შექმნა და მას 1995 წელს ჩემპიონთა ლიგა მოაგებინა — ამსტერდამის „აიაქსმა“ პატრიკ კლუივერტის გოლით „მილანი“ 1:0 დაამარცხა...

ბლოკნოტი და კალამი, ჯიუტად შემტევი სტილი, წარმატებები, ჩავარდნები... ლუის ვან გაალი 54 წლისაა და ალბათ კიდევ ბევრს მოახდენს თავისი მკვეთრად თვითმყოფადი სამწვრთნელო სტილით და თუნდაც ჯიუტობით. ვან გაალისთვის ჯიუტობა ჩვენ არ დაგვიბრალდება, მას ასეთნაირად ხშირად აკრიტიკებდნენ ჰოლანდიაში თუ ესპანეთში...


ვან გაალი 1951 წლის 8 აგვისტოს დაიბადა ამსტერდამში და მისი პირველი პროფესიული გუნდიც ამსტერდამის „აიაქსი“ იყო 1972-73 წლების სეზონში. შემდეგ ის ბელგიურ „ანტვერპენში“ თამაშობდა ოთხი წელი, მერე რვა წელი როტერდამის „სპარტაკში“ გაატარა, ხოლო ფეხბურთელის კარიერა დაასრულა 1987 წელს ალკმარის AZ-ში, რომელსაც ახლა თავად წვრთნის. მწვრთნელობას ვან გაალი 1988 წელს შეუდგა — „აიაქსში“ ლეო ბენჰაკერის თანამემყდელ მუშაობდა, ხოლო 1991 წლიდან „აიაქსის“ მთავარი მწვრთნელი შეიქნა. ჩემპიონთა ლიგის და საკონტინენტთაშორისო თასის გარდა მისი ხელმძღვანელობით „აიაქსი“ სამჯერ გახდა ჰოლანდიის ჩემპიონი, 1996 წელს კი ერთხელაც შეეძლო ჩემპიონთა თასის აწევა, მაგრამ ფინალში „იუვენტუსთან“ მოეცარა ხელი, პენალტების სერია იტალიელებმა უკეთ შეასრულეს. იმდროინდელი „აიაქსი“ ერთ-ერთი ნიშნული იყო საფეხბურთო ესთეტიზმისა...

1997 წლიდან ვან გაალმა „ბარსელონა“ ჩაიბარა, მოიგო ევროპის სუპერთასი, ორჯერ ესპანეთის ჩემპიონი გახდა „ბარსა“, ერთხელ ჩემპიონთა ლიგის ნახევარფინალამდეც უნია და სამი წლის შემდეგ კატალონიელთა და ვან გაალის გზები გაიყარა.

2000 წელს ვან გაალმა ჰოლანდიის ეროვნული ნაკრები ჩაიბარა და როგორც მწვრთნელმა კარიერაში უდიდესი განხილვაც იწვნია — ჰოლანდია 2002 წლის მუნდიალზე ვერ მოხვდა. ვან გაალი „ბარსელონაში“ დაბრუნდა, მაგრამ ნახევარწლიანი მუშაობის შემდეგ ის რადომირ ანტინჩამ შეცვალა.

ვან გაალმა შეისვენა და ძალამოკრებილი „აიაქსში“ დაბრუნდა 2004 წელს, ოღონდ გუნდის ტექნიკურ დირექტორად და კონფლიქტი მოუვიდა „აიაქსის“ მაშინდელ მწვრთნელ რონალდ კუმანთან. იმავე წელს ვან გაალმა „აიაქსი“ დატოვა და მიმდინარე სეზონისთვის ალკმარის AZ ჩააბარა, გუნდში სამი ახალი ფეხბურთელი დაიმატა, მათ შორის შოთა არველაძე.

ვან გაალთან ინტერვიუ სწორედ არველაძის ხელშეწყობით გავახერხეთ, დიდად დაგვეხმარა „ალკმარის“ პრეს-ოფიცერი ერიკ ვან ლეუენიცი. მამ ასე, „სარბიელის“ კითხვებს ლუის ვან გაალი პასუხობს...



ლუის ვან გაალის ის სამყარო, რომელშიც ფული ჯერ არ იყო ღომინანტი

— რა არის თქვენი, როგორც მწვრთნელის კრედიტ?

— ყოველთვის მსურს, ჩემმა გუნდებმა შემტევი, თვალისმომჭრელი ფეხბურთი ითამაშონ. ეს მოვახერხე „აიაქსში“, „ბარსელონაში“, ჰოლანდიის ნაკრებში და ამას ვახერხებ „ალკმარისში“.

— სამწვრთნელო კარიერაში ძალიან ბევრს მიადღწიეთ და ამ დროისთვის რა არის თქვენთვის ყველაზე დიდი გამოწვევა?

— თუ შევხედავთ იმას, ჰოლანდიის ჩემპიონატში რა ადგილი უკავია „ალკმარის“, ჩემი უდიდესი გამოწვევა ცხრილის მწვერვალზე ყოფნაა.

— როგორც მწვრთნელს, წარუმატებლობაც გქონდათ — როგორ ფიქრობთ, გუნდის შედეგში რამდენია მწვრთნელის პროცენტული წილი?

— ამის თქმა შეუძლებელია. ყველა თამაშში ერთნაირი და ერთი რანგისა არაა, მაგრამ საბოლოო ჯამში, როცა მსაჯი სასტვენს ჩაბერავს და თამაში იწყება, ფეხბურთელებს მართებთ თამაშის შექმნა.

— მწვრთნელის ოსტატობა, მისი პროფესიული უნარი მხოლოდ მისი გაწვრთნილი გუნდის შედეგით უნდა შეფასდეს?

— არა, რადგან მწვრთნელის საქმიანობას უნდა შევხედოთ როგორც პროცესს. უფრო ადვილია, საკუთარი ფასი აწიო მაშინ, როცა შენს გუნდში დიდი ფული იხარჯება და დიდი ფეხბურთელები გყავს, ვიდრე მაშინ, როცა პატარა კლუბში წვრთნი ახალგაზრდა ფეხბურთელებს და ასეთ სიტუაციაში შეგიძლია, მუყაითად იმუშაო და გუნდი ძალიან კარგად ათამაშო, მაგრამ ვერ იქნები ისეთი ყურადღების ცენტრში, როგორც დიდი მწვრთნელები.

— მწვრთნელი-ვარსკვლავი — ასეც მოგიხსენიებენ და მოგწონთ ასეთი შეფასება?

— საკუთარ თავს ასე არ ვუწოდებდი, ასეთი შეფასება არ მომწონს. „ალკმარისში“ ჩვენ, მწვრთნელები ერთი მთლიანი გუნდი ვართ, სამწვრთნელო პროცესს რამდენიმე ადამიანი ქმნის და სამწვრთნელო მიღწევები ინდივიდუალური არ არის.

— სამი წელი „ბარსელონაში“ იმუშავეთ, მაგრამ ისეთ წარმატებებს ვერ მიაღწიეთ, როგორც „აიაქსში“ გქონდათ...

— ასეთ კატეგორიულობას არ ვეთანხმები, „ბარსელონაში“ მაშინ ევროპის სუპერთასი მოიგო და ორჯერ გახდა ესპანეთის ჩემპიონი.

— 1995 წელსა და „აიაქსზე“ ვთქვით — ყველაზე უფრო რამ განაპირობა მაშინდელი წარმატება?

— ნიჭიერი ადამიანებისგან შექმნილმა კომბინაციამ. იმ ადამიანებისა, რომელთაც წარმატება სწყუროდათ, ფეხბურთის იმ ერთმა კონკრეტულმა სამყარომ, რომელშიც ფული ჯერ არ იყო ღომინანტი.

— ვინ იყო თქვენი საყვარელი ფეხბურთელი ბავშვობაში?

— რინუს მიხელსის დიდი თაყვანისმცემელი ვიყავი, რომელიც შემდეგ მწვრთნელი გახდა. მიმაჩნია, რომ ის წარმოადგენდა პროფესიონალურ ფეხბურთის „აიაქსში“.

— ახლა ვინ მიგაჩნიათ მსოფლიოს საუკეთესო მწვრთნელად?

— გააჩნია, რით ვიხელმძღვანელებთ — შედეგებით თუ თამაშით. მომწონს მაურინიუ, მაგრამ არ მომწონს სათამაშო სტილი, რომელიც მან აირჩია.

— რა ძირეულ ტენდენციებს ხედავთ თანამედროვე ფეხბურთში?

— ფეხბურთი სულ უფრო და უფრო ძალისმიერი ხდება, აღარ არის სივრცეები ინდივიდუალისტი მოთამაშეებისთვის, თუ არ ჩავთვლით ისეთ მსოფლიო კლასის ფეხბურთელებს, რონალდინიო და უეის რუნი რომ არიან.

— როგორ დაახასიათებდით შოთა არველაძეს? რატომ აირჩიეთ „ალკმარისის“ ნომერ პირველ ფორვარდად მაინცდამაინც არველაძე?

— ის გონებაგახსნილი ფეხბურთელია, მიმზიდველიც, რომელიც კარგად ესადაგება ჩემულ სათამაშო სისტემას, რაც მწვრთნელს საქმეს უადვილებს. არველაძე გამოცდილი ფეხბურთელია და ახალგაზრდებს ეხმარება. მისი მოწვევით კარგი არჩევანი რომ გავაკეთოთ, მხოლოდ იმით არ მტკიცდება, რომ მას გოლები გააქვს, არამედ იმითაც, თუ როგორ იქცევა ის მოედანზე, როგორი ურთიერთობა აქვს სხვა ფეხბურთელებთან და ფანებთან.

— მწვრთნელობის გარდა, რა არის მეორე, რაშიც შეგიძლიათ თქვათ, რომ სამაგალითო ხართ?

— მიჭირს პასუხის გაცემა. ალბათ, ჩემი სოციალური შეგნება.

— წარსულზე საუბარს ხშირად არიდებთ თავს — წარსული თქვენთვის უმნიშვნელოა?

— ხანდახან ვიყურები ხოლმე უკან, მაგრამ ამას ადრე უფრო ვაკეთებდი. წინ უნდა იყურო და უკან მხოლოდ მაშინ მოიხედო, როცა შენი კარიერა უკვე მომთავრებული გაქნება.



საქართველოს XVII ჩემპიონატი

უმაღლესი ლიგა
მეორე ტურა

19 ტური მიმოხილვა

როსა 4 წლისა 81 წლისს ერევა ორი განსხვავებული საფრთხე: აბრეზა და ოფიცერი



ამერიელი სულიყო დავითაშვილი (№7) გოლამდე დინამოელებმა ვერ დაიჭირეს, გოლის მერე კი თანაგუნდელებმა

შახტურიში ტრადიციები ბევრს ნიშნავს, მაგრამ არა ყველაფერს. ასე რომ იყოს, დღეს სათვალავში არ უნდა ვაგდებდეთ „ლიონს“, „ვილიარეალს“ და „ჩელსისა“ კი... ასეთი უხერხული შედარება კი გამოგვდის ევროპასთან, მაგრამ ტრადიციებზე თუ მიდგა, „ამერს“ უმანსოდ უნდა წაეგო თბილისის „დინამოსთან“.

რა წაგება, „მიხეილ მესხზე“ ვერ გარჩევდით, რომელი იყო „დინამო“ და რომელი ოთხი წლის წინ შექმნილი კლუბი, რომელიც უკვე შევიდა ქართულ საფეხბურთო ელიტაში. არ გვემინია ამ სიტყვების — შესაძლოა, „ამერი“ ბოლომდე ვერ შეპყვეს საჩემპიონო რბოლას, შესაძლოა, სულაც ევროსაგზურის გარეშე დარჩეს, მაგრამ ერთი კონტა და გამართული კლუბის სახელი უკვე დაიგდო. ზოგს „დინამოს“ სახელი თრგუნავს, გლდანელებმა კი პირველ საუმაღლესილიგო სეზონშივე მოახერხეს მათი ძლევა.

კი, ანდრეი ჩერნიშოვმა მართლაც ვერ დააღაგა გუნდი, ვინაა მერეულაძე და ვიტალი დარასელიაც აკლდა, ბიჭებს შეუთამაშებლობა ეტყობოდათ, მაგრამ უმადურები ნუ ვიქნებით — „ამერმა“ ძალიან მაგრად ითამაშა. ძალიან მაგარი იყო სულიყო დავითაშვილის 88-ე წუთზე გატანილი: „აბრეზაში“ ანგარიშის გამსხნელ თავურს მართლაც სუპერგოლი მიაცილა. არადა, ამ მატჩამდე კარგა ხანს უჩიოდა გოლების სიმწირეს.

ჩერნიშოვმა ნამატჩევს თქვა, ჩემი გუნდიდან ვერცერთ ფეხბურთელზე ვერ ვიტყვი, ნაკრებში თა-

მას იმსახურებსო, გიორგი ჩხრამაძე კი გვარები არ დაასახელა, მაგრამ სიტყვა „რამდენიმე“ ახსენა, კარგი იქნება, კლაუს ტოპიოლერის კრებულში თუ გამოიცდებიანო. ალბათ იცით, რომ „დინამო“ — „ამერს“ ჰერ კლაუსმაც ადევნა თვალი.

ასე თუ იხე, „დინამოს“ წაგებამ ორი გუნდი საგრძნობლად გაამაგრა ცხრილის კენწეროში. ბოლნისის „სიონს“ ფოთში დისკვალიფიცირებული კოკა მიკუნაძე და ლე-

ვან ხმალიძე არ ჰყავდა, მაგრამ „კოლხეთს“ მიხეილ ხუციშვილმა სწრაფი გოლი გაუტანა და...

ლიდერ „ვიტ ჯორჯიას“ წინ ელის რთული მატჩები, მანამდე კი აუტსაიდერებს კინკლა გოლებით ერევა. ვიტელებმა მიჯრით მეოთხედ მოიგეს 1:0 და საგულისხმოა, რომ კვლავ ნახევარმცველმა (დავით დიდელაშვილმა) გაიტანა — ასე იცის ოთარ მარცვალაძის დაკარგვამ. „მწვანეები“ ყველა მატჩში საგრძნობ უპირატესობას ფლობენ,

მაგრამ დამამთავრებელ ფაზაში სიზუსტე აკლიათ...

თქმა არ უნდა, ჩემპიონატის ფინიში ძალიან დაძაბული გამოვა, მაგრამ უფრო დაძაბული გამოვიდოდა, „ბათუმს“ პირველ წრეში განიავებული ქულები რომ არ ედოს გულზე ლოდად. ამჯერად არ გაუტანია რევაზ ჯიქიას, სამაგიეროდ, ბრაზილიელმა ტიაგომ და კლადიმერ დვალაშვილმა ამოსცხეს ზუსტად და ზღვისპირელებმა ქუთაისის „ტორპედოს“ 2:0 მოუგეს. ქუ-

თათურები დროულად თუ არ დაფაცურდებიან, უარესად წაუვით საქმე — გასაჯარდნ ზონას უკვე ჩააკითხეს.

„ბათუმის“ დარად, დავევძილი სამი ქულა აიღო „ზესტაფონმა“, თანაც მისმა თავკაცმა თემურ მახარაძემ გიორგი განუვრავა საერთოდ არ ათამაშა, ზურაბ იონანიძე კი მხოლოდ ბოლო წუთებში დაასაქმა. ან რა რჯიდა? „ცხინვალის“ იოლად მოსადრეკი გუნდია, 18 მარტს კი ფეროლები სათასო მეოთხედფინალის საპასუხო მატჩში „დინამოს“ სტუმრობენ და ლიდერებს ხომ დასვენება სჭირდებათ.

საშუალო გუნდებიდან მეორე წრეში ყველაზე ფერინანდ „კახეთი“ თამაშობს. თელაველები შინ მიყოლებით იგებენ და ახლა „ბორჯომი“ შემომარცხათ. აი, კურორტელთა უსაფრთხოების ოფიცერ გიორგი ჟამიაშვილს კი მსაჯი გიორგი ვადაჭკორია შემოელახა... ეურადლება მიაქციეთ: უსაფრთხოების ოფიცერზეა ლაპარაკი. „ეონია“! ჟამიაშვილმა ნამატჩევს განახორციელა ეს „ტრიუკი“ და მიხეში რომ ჰკითხეს, ვერ უპასუხა, შემომელახაო, ფარგონულ ენაზე რომ ვთქვათ, „გადაეკეტა“.

დაგვრჩა ორი მატჩი და ორივე... ეჭ, 0:0 აგერ, „იუვენტუსი“ — „მილანი“ და „ვალენსია“ — „რეალიც“ დასრულდა, მაგრამ აქ „დილა“ — „ლოკომოტივზე“ და „სოხუმი“ — „სპარტაკზე“ ვსაუბრობთ, სადაც ფეხბურთისმადგარი არაფერი ყოფილა და ოქმები თუ გაინტერესებთ, გუშინ ნახავდით...


ლიგა ნანობაშვილი

ვიტ ჯორჯია	19	15	3	1	39:10	48
სიონი	19	14	3	2	37:14	45
დინამო	19	12	3	4	32:13	39
ამერი	19	12	2	5	26:13	38
ზესტაფონი	19	11	4	4	26:15	37
ბორჯომი	19	11	1	7	32:17	34
ლოკომოტივი	19	10	4	5	29:17	34
ბათუმი	19	9	5	5	23:14	32
კოლხეთი	19	7	3	9	16:21	24
კახეთი	19	7	1	11	19:27	22
დილა	19	5	3	11	21:27	18
ცხინვალი	19	5	3	11	18:36	18
ტორპედო	19	4	5	10	14:26	17
სოხუმი	19	3	2	14	17:44	11
სპარტაკი	19	2	4	13	4:33	10
თბილისი	19	1	2	16	11:37	5

მომდევრო ტური


25 მარტი, შაბათი

სიონი - სოხუმი
ამერი - დილა
ლოკომოტივი - ბათუმი
ტორპედო - კოლხეთი
სპარტაკი - კახეთი
ვიტ ჯორჯია - ზესტაფონი
ცხინვალი - დინამო
ბორჯომი - თბილისი



სტადიონი	მატჩი	მინდვრის მდგომარეობა	ორგანიზაცია	დასწრება	საშუალო ბალი
„ცენტრალური“ ზესტაფონი	ზესტაფონი 3:1 ცხინვალი	8,0	7,0	8,5	7,8
„ოლიმპი“ თბილისი	თბილისი 0:1 ვიტ ჯორჯია	7,0	6,0	5,0	6,0
„გ. ჩოხელი“ თელავი	კახეთი 1:0 ბორჯომი	6,5	3,5	7,0	5,6
„ვაზისი“ ფოთი	კოლხეთი 0:1 სიონი	6,0	5,5	5,0	5,5
„მიხეილ მესხი“ თბილისი	დინამო 1:2 ამერი	5,5	6,5	4,0	5,3
„დინამო“ ბათუმი	ბათუმი 2:0 ტორპედო	5,5	5,5	4,0	5,0
„თ. ბურჯანაძე“ გორი	დილა 0:0 ლოკომოტივი	5,5	5,0	3,0	4,5
„შავარდანი“ თბილისი	სოხუმი 0:0 სპარტაკი	5,5	4,5	3,0	4,3





პრიკსონის რეჟიმი ხუთვარსკვლავიანი ტყე, შაიქლბა ყობარიც და არავითარი აბანოები

ინგლისის ნაკრებმა გერმანიაში ბინა უკვე ნახა. ბაღენ-ბაღენში ხუთვარსკვლავიანი სასტუმრო „ბუ-ლერპოპე შლოსპოტელი“ იქირავეს, რომელიც ტყეშია, ქალაქიდან ოცი წუთის სავალზე ერთი ოთახის დღე-ღამური ფასი 2150 ევროა.

სვენ გორან პრიკსონმა საფეხბურთო აგენტები გააფრთხილა, ჩემპიონატამდე ან მის მსვლელობისას თქვენი ფეხი არ ენახო სასტუმროში. მიზეზად კი ძველი ამბავი გაიხსენა, როცა ევრო 2004-ზე სტივენ ჯერარდს აგენტები დასდევდნენ და „ჩელსიში“ ექაჩებოდნენ.

შვედი ნაკრების 26-კაციან სიას 8 მაისს დაასახელებს. 23 ძირითადი, სამი კი სათადარიგო იქნება იმ შემთხვევისთვის, თუ მუნდა-

ლის დაწყებამდე ძირითადი შემადგენლობის რომელიმე ფეხბურთელი დაშავდება.

ერიკსონი: „მოთამაშეებს გუნდიდან გუნდში გადასვლას ვერ აუკრძალავ. ეს ცხოვრებაა და მათი სამუშაოს ნაწილია, მაგრამ კარგი იქნება, თუ ამ საქმეს ჩემპიონატამდე მოაგვარებენ. არ მინდა აგენტების დანახვა სასტუმროში. ტრანსფერების მოსაგვარებლად მობილური ტელეფონი არსებობს“.

ბაღენ-ბაღენის სახელგანთქმული კაზინო, 250-წლიანი ისტორიით, სასტუმროდან ოცი წუთის სავალზეა და ფეხბურთელებს ყოფარი თუ მოუნდათ, მწვრთნელის ნებართვა დასჭირდება.

„სასტუმრო ქალაქის ცენტრში

იმით არ მინდოდა, რომ ფეხბურთელებს შეაწუხებდნენ. ახლა მშვიდად ვიქნებით. ბიჭებს ქალაქში ჩასასვლელად 20 წუთი დასჭირდებათ, კაზინოში კი მხოლოდ მაშინ გაუშვებ, თუ კარგ ხასიათზე ვიქნებით“ — განაცხადა შვედმა.

რაც შეეხება ნაკრების შემადგენლობას, სოლ კემპბელი, ეშლი კოული და მაიკლ ოუენი ჯერაც ტრავმირებული არიან, თუმცა კემპბელი ცოტა გამოკეთდა და „არსენალის“ სარეზერვო გუნდში ერთი მატჩიც ითამაშა. ეშლი კოულს ოქტომბრის შემდეგ სტანჯავს ტრავმა, ხოლო ოუენს დეკემბრის აქვთ არ უთამაშია.

„მათ მოსაშუშებლად დრო სჭირდებათ და არ ვიცი, მაისისთვის

როგორ ფორმაში იქნებიან — აღნიშნა ერიკსონმა — კემპბელს ვე-ლაპარაკე და მითხრა, რომ ძალიან უნდა მსოფლიოს ჩემპიონატზე თამაში“.

გესლომბათ, რომ ზოგიერთი ნაკრების მწვრთნელმა საჩემპიონატოდ განაცხადის წარდგენის ვადის 15 მაისიდან 1 ივნისისთვის გადაწვეა მოითხოვა. „ეს ამბავი ვიცი — თქვა შვედმა — მაგრამ ფიფაკან პასუხი ვერ არ ისმის. პირადად მე 26 ფეხბურთელს 8 მაისისთვის დავასახელებ და ყველას ეცოდინება, ვინ იქნება ძირითად 23-ში და ვინ — სათადარიგო სამი. ამ სამუელში ერთი მცველს, ნახევარმცველს და ფორვარდს შევიყვან“.

ინგლისური „ბირმინგემის“ ნახევარმცველმა ირუი იაროშიკმა თქვა, რომ გუნდში დარჩენა და გრძელვადიანი კონტრაქტის გაფორმება სურს, ოღონდ, იმ შემთხვევაში, თუ კლუბი პრემიერლიგიდან არ გავარდება. მოგზისებებით, იგი „ჩელსის“ საკუთრებაა, თუმცა უკიდურეს შემთხვევაში ხნის წინ აღნიშნა — ირუის „სტემფორდ ბრიჯზე“ დაბრუნება არარეალურია. „თუ „ბირმინგემი“ პრემიერლიგიდან არ გავარდება, მოლაპარაკებებს დაიწყებთ. ირუის ინგლისში დარჩენა უნდა, გუნდის თავკაც სტივ ბრიუსს კი — მისი შენარჩუნება“ — თქვა იაროშიკის აგენტმა ვიქტორ კოლარმა.

ბერმინგემის „მტუტგარტი“ მომავალ სეზონში შესაძლოა, კრისტოფ დანუმა ჩაიბაროს. თურქული „ფენერბაჩეს“ ახლანდელი მწვრთნელი შვაბებს 14 წლის წინათაც წვრთნიდა და მამის ჩემპიონებიც გახდა. მას მერე „მტუტგარტს“ ბუნდესლიგა არ მოუგია. „დაუმის ვარიანტს განვიხილავთ. იგი უდავოდ ძლიერი და წარმატებული სპეციალისტია, მაგრამ დატოვებს თუ არა „ფენერბაჩეს“ ვერ უცნობია“ — აღნიშნა „მტუტგარტის“ თავმჯდომარე დიტარ ჰუნდტმა.

ინგლისური „პორტსმუთის“ მცველი რიჩარდ დავი სეზონის ბოლოს გუნდს დაუბრუნდება. იგი ამჟამად „ქოვენთონში“ განათხოვრებული, მაგრამ „პორტსმუთის“ ახალი კონტრაქტი გააფორმა და კლუბსაც 20 წლის ფეხბურთელის დიდად ვიქნება.

იტალიური და ინგლისური მედიის ცნობით მომავალ საფეხურს ერნან კრესპო შეიძლება „მილანში“ დაბრუნდეს გამოცდილი არგენტინელი „ჩელსის“ ძირითად შემადგენლობაში ვერ დამკვიდრდა, ხოლო „მილანი“ ისევ თავდაპირველს ეძებს. ამბობენ, „როსონერი“ საფეხურში კრესპოს გარდა ლიონელების — კრისის, ფრედისა და მაკამდუ დიარას შეტენას ეცდება.

ურანგული მსუ შესაძლოა არკადი ვაიდამაკმა შეიძინოს. იგი ისრაელის „ბეთარის“ მფლობელია და ამბობენ, ფრანგულ ფეხბურთშიც აპირებს ფულის ჩადებას. მან ცოტა ხნის წინ ცნობილი ფრანგული გაზეთი „ფრანს სუარი“ იყიდა და მსუ-თიც დაინტერესებულია იგი ისრაელის საკალათბურთო გუნდ „პაპოლის“ სპონსორიცაა და გერმანიის მსოფლიოს ჩემპიონატის მატჩების ტრანსლირების უფლებას ყიდულობს, რათა ებრაელი ქომაგები დაასაჩუქროს.

ინგლისი
პრემიერლიგა
გადადებული მატჩი
ლივერპული 5:1 ფულემი

1:0 ფულერი (16), 1:1 ჯონი (25), 2:1 ბრაუნი (34ს.კ.), 3:1 მორინტესი (71), 4:1 კროუტი (89), 5:1 უორნოკი (90)

ლივერპული: რენია, ფინანი, კარაგერი, აგერი, ჯ. ტრაორე, ლუის გარსია, ჯერარდი, შამანი, კოუელი (უორნოკი 88), ფულერი (ჯ. სისე 68), მორინტესი (კროუტი 81)

მწვრთნელი: რაფაელ ბენიტესი

ფულემი: ვერნერი, როსენიორი, ნაითი (კრისტინვალი 69), პირსი, ბრიჯი, რაძინსკი (მ. მაკბრაიდი 78), მალბრანკი, მ. ბრაუნი, პემბრიჯი, ბოა მორტი, კ. ჯონი

მწვრთნელი: კრის კოულმენი

გაფრთხილება: ბრაუნი, ბრიჯი

მსაჯი: ვაილი

42 293 მაფურებული

ლივერპული ფულემი გაანთლა



ბენიტესმა ახალი კონტრაქტი გააფორმა, ფულერმა კი პირველი გოლი გაიფორმა

თითქმის თვენახევარი ელოდნენ „ლივერპულის“ ქომაგები რომელი ფულერის გოლს და „ფულემთან“ მატჩში ნახეს. ეს იყო „წითლების“ მაისურით ფულერის პირველი გოლი მას შემდეგ, რაც „სიტინიდან“ „ლივერპულში“ დაბრუნდა. რაფაელ ბენიტესის გუნდს ბოლო-ხანს შეტევაში ძალიან უჭირდა, „ფულემთან“ კი აფეთქდა და ხუთით გაუმასპინძლა სტუმრებს. მერსისაიდლებისთვის, რომლებიც ჩემპიონთა ლიგიდან გამოვარდნენ, ეს გამარჯვება პირველი გამოდგა ბოლო ოთხ მატჩში.

ფულემელებთან შეხვედრამდე კი რაფაელ ბენიტესის აგენტი „ლივერპულის“ შეფს, რიკ პერის შეხვდა. ესპანელი მწვრთნელი, ვისაც მომავალ კვირაში 46 წელი უსრულდება კლუბთან კონტრაქტს 2010 წლამდე გაახანგრძლივებს, სანაკლოდ კი დაახლოებით 10 მილიონ ევროს მიიღებს.



ჩელსი	29	24	3	2	58:18	75
მინესტერი	28	18	6	4	56:28	60
ლივერპული	30	17	7	6	39:20	58
ტოტენჰემი	29	13	10	6	41:28	49
არსენალი	29	14	5	10	45:23	47
ბლექბერნი	29	14	4	11	38:34	46
ბოლტონი	27	12	9	6	37:28	45
ვიგანი	29	13	4	12	34:36	43
ვესტ ჰემი	28	12	6	10	42:40	42
სიტი	29	12	4	13	39:34	40
ევერტონი	29	12	4	13	24:37	40
ნიუკასლი	29	11	6	12	29:32	39
ჩარლტონი	29	11	6	12	34:38	39
ასტონ ვილა	29	8	10	11	33:37	34
მიდლსბრო	28	9	7	12	37:46	34
ფულემი	30	9	5	16	39:51	32
ვესტ ბრომვიჩი	28	7	6	16	26:43	27
ბირმინგემი	29	6	6	16	23:39	24
პორტსმუთი	29	5	6	18	20:49	21
სანდერლენდი	29	2	4	23	19:52	10

რობი ფულერმა ახლოდან, თავური დარტყმით გახსნა ანგარიში. მის რეაქციას, ლივერპულურ კარიერაში ეს 330-ე მატჩი იყო, გოლი კი 171-ე. „ფულემმა“, რომელსაც 10 თვეა, სტუმრად არ მოუგია, კოლინზს ჯონის წყალობით მალევე გაათანაბრა, თუმცა მაიკლ ბრაუნმა პარი კიუელის ჩაწოდებული ბურთი საკუთარ კარში ჩაჭრა და „ლივერპული“ კვლავ დაწინაურდა.

მეორე ტაიმში შეცვლაზე შესულ ჯობრილ სისეს პასით ფერნანდო

ვაჰა ხუციშვილი

მარადონა ლინაკოსის დებიუტის ხელს უწვდის

1986 წლის მსოფლიოს ჩემპიონატის საუკეთესო მეოთხედმ, ინგლისელმა გარი ლინაკერმა ბუენოს აირესში დიეგო მარადონა მონახულა. ლინაკერი ახლა BBC-ს კომენტატორია და არგენტინელსაც სატელევიზიო მისიით შეხვდა — BBC 1986 წლის მექსიკის მუნდიალის განმარტებულ მეოთხედმინაღობურ შეხვედრას სპეციალურ პროგრამას უძღვნის და ლინაკერის მარადონასთან ინტერვიუს ამ გადაცემაში დიდი ადგილი დაეთმობა. 20 წლის წინანდელ არგენტინა-ინგლისის ჯახში ხომ დიეგო გახლდათ ის „ჯალათი“, რომელმაც ბრიტანელთა გუნდი მსოფლიოს ჩემპიონატიდან გამოავლო.

ხადა ლინაკერმა არგენტინელ ჟურნალისტებს ინგლისელი დიეგოს მერ გატანილ მორე გოლს გულისხმობდა, რომელიც პირველთან, ხელით გატანილთან ერთად სამუდამოდ შევიდა ფეხბურთის ისტორიაში არგენტინელმა მამნ „დებიუტის ხელით“ მიუღი ინგლისი გააცოფა, ხოლო მორე ფანტასტიკური გოლით კი სასოწარკვეთაში ჩააგდო — მარადონამ 5 ინგლისელი მოატყუა და მოკლედ, დანარჩენი კარგად იცით.

„მამნ ჩემს კარიერაში პირველად მოხდა, რომ მოწინააღმდეგე გუნდს კინაღამ ტაში დაეუკარი. ის მატჩი ძალიან მნიშვნელოვანი რომ არ ყოფილიყო, არგენტინელებს აუცილებლად დაუკარავდი ტაშს მარადონამ ფეხბურთის ისტორიაში ყველაზე შესანიშნავი გოლი გაატანა“ — განუცხადა ლინაკერმა „ლა ნასიონს“.

ლინაკერმა აღნიშნა, მატჩის მერე გასახდელში უფრო მეტად „დებიუტის ხელზე“ ვკავრობდით და გოლი-ხადაპარი არავის უხსენებიაო. „დიეგოს იმ ფარსს ინგლისში დღესაც ვერ პატიობენ, თუმც რაც დრო გადის, მით უფრო ვრწმუნდები მექსიკაში არგენტინის გამარჯვების სამართლიანობაში. მოიგო გუნდმა, რომელსაც უბრწყინვალესი ლიდერი ჰყავდა და ჩემპიონობაც ეკუთვნოდა“ — უთხრა ლინაკერმა „ლა ნასიონს“.

ლალო ხომერიკი



დიდი კარიერის ლაგაში დასასრული

მილანი 1994 3:1 ბარსელონა 1994	
1:0 ალბერტინი (5), 2:0 ვან ბასტენი (10), 3:0 ნადალი (30ს.კ.), 3:1 ესკერო (39)	
მილანი 1994: როსი (იელპო 24), ტასოტი, ფ. გალი, ბარეზი (ნაფა 25), მალდინი, ერანიო (ვეა 25), დესაი (დონადონი 25), ალბერტინი (კარბონე 31), ევანი (მასარო 25), ვან ბასტენი (გულიტი 14; ბობანი 36), პაპენი (სიმონე 24)	
მწვრთნელი: ფაბიო კაპელო	
ბარსელონა 1994: სუბისარეტა (ხორკერა 27), გოიკოეჩეა, ალუხანკო (ოლეგერი 19), რაიკარდი (ვან ბომელი 25), ნადალი, ამორი, სერხი, სტოიჩკოვი (ესკერო 29), ლაუდრუბი, ხულიო სალინასი (მაქსი ლოპესი 29), ეუსებო საკრისტანი (ინიესტა 30)	
მწვრთნელი: იოჰან კრუფი	
35 000 მაყურებელი	
მილანი 2006 0:1 ბარსელონა 2006	
0:1 ეტო (69პ)	
მილანი 2006: დიდა (კალაჩი 23), შიმიჩი, ნესტა (სერჟინო 23), კოსტაკურტა, კაბლაძი, ფოგელი (გატუზო 23), პირლო (ზედორფა 23), ამბროზინი, რუი კოშტა (კაკა 23), შევენეო (ამორიზო 23), ჯილარდინო (ინძაგი 23)	
მწვრთნელი: კარლო ანჩელოტი	
ბარსელონა 2006: ხორკერა (ვალდესი 23), მარკესი (ალბერტინი 34), პუილი, ვან ბრონკორსტი, ოლეგერი, ჟიული, ვან ბომელი (ედმილსონი 31), ინიესტა (დეკო 23), სილვინიო, ესკერო (ეტო 23), მაქსი ლოპესი (რონალდინიო 23)	
მწვრთნელი: ფრანკ რაიკარდი	
35 000 მაყურებელი	

ბმა განაგრძეს ბურთობა. აღსანიშნავია აგრეთვე, რომ 1994 წლის „მილანს“ სათავეში მამინდელი მწვრთნელი, ფაბიო კაპელო ედგა, „ბარსას“ კი იოჰან კრუფი და, როგორც მაშინ, 12 წლის წინ, გამარჯვება ამჯერადაც კაპელოს დარჩა, ოღონდ ათენური ფინალისგან განსხვავებით 4:0 კი არა, 3:1.

რაც შეეხებათ „მილანის“ და „ბარსელონას“ თანამედროვე გუნდებს, რომლებიც, სხვათა შორის, ერთმანეთს შეიძლება ჩემპიონთა ლიგის მიმდინარე გათამაშების ნახევარფინალში შეხვდნენ, მათი თამაში საპუელ ეტოს გოლით და კატალონიელთა გამარჯვებით დამთავრდა.

ძველ „ბარსაში“ თამაშობდნენ სუბისარეტა, გოიკოეჩეა, რაიკარდი, ნადალი, სალინასი, სტოიჩკოვი, ამორი, ლაუდრუბი, სერხი, ეუსებო და სხვანი. „მილანში“ — როსი, ტასოტი, გალი, ბარეზი, ვეა, ერანიო, დესაი, თავად ალბერტინი, კარბონე, ევანი, ვან ბასტენი, გულიტი, პაპენი და მმანი მათნი.

აუცილებლად უნდა აღინიშნოს, რომ ანგარიში დღის გმირმა, ალბერტინიმ საჯარიმო დარტყმით გახსნა. „სან სიროს“ ტრიბუნიდან ამ სანახაობას თვალს თვით პრემიერი ბერლუსკონი აღევნებდა.

ბაჰუნა კელია



ფრთხილად! პლატინი იუვენტუსს აქმებს და არიბებს

„იუვენტუსის“ ლეგენდარული ფრანგი მიშელ პლატინი ტურინელებს აფრთხილებს, „არსენალთან“ უძიმესი მატჩები გელითო.

„რატომღაც ფიქრობენ, რომ „იუვენტუსის“ „არსენალი“ უფრო იოლი მეტოქეა, ვიდრე „ლიონი“ ან „ბარსელონა“ იქნებოდა, მაგრამ დარწმუნებული ვარ, „არსენალთან“ ტურინელებს ძალიან გაუჭირდებათ. მათ ხომ საუცხოო ტიერი ანრი ჰყავთ, რომლის გოლითაც თვით მადრიდის „რეალი“ დაამარცხეს. რაც შეეხება „იუვენს“ — ფაბიო კაპელო გენიალურია. მან იცის, როდის ათამაშოს საუკეთესო ფეხბურთელები და როდის დაასვენოს. ამ კლუბის ძალა იმაშია, რომ ჰყავს ისეთი მოთამაშეები, რომლებსაც მატჩის ბედის გადაწყვეტა შეუძლიათ. დავიდ ტრეზეგე და ალექს დელ პიერო, ზლატან იბრაჰიმოვიჩი და ადრიან მუტუ, პაველ ნედვედი და პატრიკ ვიერა. „იუვენტუსი“ ფიზიკურადაც ძალიან ძლიერია, თან ნიჭიერი ფეხბურთელებითაა სავსე“.

პლატინის მიაჩნია, რომ მის ყოფილ გუნდს სკუდეტო, ფაქტობრივად, განადღებული აქვს: „მილანთან“ უგოლო ფრის შემდეგ „იუვენს“ ათქულიანი სხვაობა შეინარჩუნა: ვიცი „იუვენტუსის“ სული და შემიძლია ახლავე ვთქვა, რომ იტალიის ჩემპიონი გახდება“.

დებეტიო ალბერტინი
ფეხბურთიდან წავიდა. „მილანის“, „ატლეტიკო მადრიდის“, „ლაციოს“, „ატალანტას“ და „ბარსელონას“ ყოფილი ნახევარმცველი „სან სიროს“ „მილანის“ და „ბარსას“ შეხვედრით და დიდი ოვაციით გააცილა. „საუცხოო, წარმატებებით მდიდარი კარიერა მქონდა, რისთვისაც მადლობა თანაგუნდელებს, „მილანს“, „ბარსელონას“ და ჩემი ოჯახის წევრებს მინდა ვუთხრა. მინდა საგანგებოდ გამოვეყო ადამიანი, რომელმაც მთელი ეს კარიერა

განაპირობა, ეს ადამიანი ბერლუსკონი გახლავთ. აგრეთვე დიდი მადლობა უნდა გადავუხადო ფანებს“ — განაცხადა მადლიერმა ალბერტინიმ. მის საპატივცემულოდ კი მოედანზე ძალიან საინტერესო ამბები ტრიალებდა:

ორ 40-წუთიან ტაიმში მაყურებელმა შეიძლება ითქვას, ოთხი სხვადასხვა გუნდი იხილა. თავიდან ერთმანეთის პირისპირ 1994 წლის „მილანი“ და „ბარსელონა“ წარდგნენ, შემდეგ კი ამავე გუნდების დღევანდელმა შემადგენლობებ-





უფასო თასი 2005-06. 1/8 ფინალი. სასაზღვრო მატჩები

რაპიდმა ჰამბურგში დაბრუნდა

ჰამბურგში (გერმანია) 3:1 რაპიდში (რუმინეთი) (0:2)
1:0 ლაუტი (24), 2:0 ბარბარესი (36), 2:1 ბუგა (51), 3:1 ვან დერ ვაარტი (63)
რაპიდმა (იტალია) 2:1 მიდლსბროში (ინგლისი) (0:1)
0:1 პასელბანინგი (32), 1:1, 2:1 მანსინი (43, 66)
საპროლინი (ესპანეთი) 2:0 ლილი (საფრანგეთი) (0:1)
1:0 კანუტი (29), 2:0 ლუის ფაბიანო (45)



მიდლსბროში პასელბანინგმა და რომაელმა მექსეშმა სასაზღვროდაც მოიხალისა

კალიანი დაბრუნდა მატჩი გაიმართა ჰამბურგში, სადაც თომას დოლის შევირდებს იტალია უგანა და ევროტურნირებს კიდევ ერთი გერმანული კლუბი დააკლდა.
ბუქარესტელებმა დანაპირები აასრულეს და თავიდანვე შეუტეეს საწყის წუთებში მოპოვებული საგრძობი უპირატესობის მიუხედავად რაზვან ლუნესკუს გუნდი სახიფათო მომენტებს ვერ ქმნიდა. მასპინძელთა შეტევები კი გაცილებით მწვავე იყო. 23-ე წუთზე „ჰამბურგის“ პოლანდიელმა ვარსკვლავმა რაფაელ ვან დერ ვაარტმა ძლიერად დაარტყა, მაგრამ დიმიტრო კომანამ აულო. რამდენიმე წამში კი გი დემელის აუტიდან ჩაწოდებული ბურთი ბენჟამინ ლაუტმა პირდაპირ კარში გადაგზავნა.
განარებულმა ჰამბურგელებმა იერიში გააძლიერეს და 36-ე წუთზე ვან დერ ვაარტის პასით სერგი ბარბარესმა ეფექტური გოლი შეაგლო, რითაც ორი მატჩის ჯამში ანგარიში გაათანაბრა. გერმანელები იერიშებს აგრძელებდნენ და „რაპიდს“ გაუმართლა, რომ შესვენებამდე მეტი გოლი არ გაუშვა.
პირველი ტაიმის შემდეგ ლუნესკომ შეტევას გასაძლიერებლად ორი ჭკვიანური შეცვლა გააკეთა — მინდორზე ვალენტინ ნეგრუ და ვე-

ტერანი ვიორელ მოლდოვანი შეუშვა, რამაც შედეგი მალევე გამოიღო. მოლდოვანის ჩაწოდებულს მუგურელ ბუგას ზუსტი თავური მოჰყვა და მასპინძლები როტულ ვითარებაში აღმოჩნდნენ. მათ კიდევ ორი გოლი სჭირდებოდათ. სხვათა შორის, ეს ის ბუგაა, რომელმაც პირველ მატჩში „ჰამბურგს“ 88-ე წუთზე ქუსლით ლამაზი გოლი გაუტანა. შეიძლება ისიც ითქვას, რომ გერმანელებს პირადად მან მოუგო.
„ჰამბურგი“ არ დაბნეულა და დაახლოებით 10 წუთში ვან დერ ვაარტმა ორბურთიანი სხვაობა აღადგინა, მაგრამ მასპინძლებმა მეტი ვეღარ შეძლეს. არადა, სულ მცირე ორი კარგი შანსი ჰქონდათ, თუმცა ნაოპირო ტაკაჰარამ და ბასტიან რაინჰარდტმა ვერ ივარგეს.
„ფოვლთვის ვამბოდი, რომ გუნდს საოცრად მებრძოლი ხასიათი აქვს ეს დღეს კიდევ ერთხელ დავამტკიცეთ მიუხედავად იმისა, რომ შემდეგ ეტაპზე ვერ გავდით, უბრალოდ არ გავკვიდართლა — განაცხადა თომას დოლმა.
დრამატულად წარმართა მატჩი რომშიც. საბოლოოდ „მიდლსბრო“ „რაპიდის“ მსგავსად მეტოქის მოედანზე გატანილი გოლის წყალობით გავიდა შემდეგ ეტაპზე. ფავორიტად მიჩნეული „რომა“ კი ტურნირს

დაემშვიდობა. არადა, იტალიელები აშკარა უპირატესობას ფლობდნენ, მაგრამ...

ლუნანო სპალეტის გუნდი თავიდანვე ეძვერა მეტოქეს და რამდენიმე შანსი გაანია, რისთვისაც დაისაჯა კიდევ. ალვარესის კარგი პასი ვერ გამოიყენა ამანტინო მანსინი. ჩეზარე ბოვოს დარტყმა ხარიხას მოხვდა. მარკ შვარცერთან პირისპირ დარჩენილმა ალვარესმა კი მეკარესაც ააცილა და კარსაც ხოლო 32-ე წუთზე სტუმართა იშვიათი იერიში გოლით დასრულდა — სტიუარტ ლუნინგის ჩაწოდებულ ბურთს ჯიმი ფლოიდ პასელბანინგმა ფილიპ მექსეშთან ბრძოლაში თავი შეაგება და შორეულ კუთხეში გაგზავნა. „გლადიატორები“ ცოტათი დაიბნენ, მაგრამ გათანაბრება პირველივე ტაიმში მოასწრეს. კიუსა და ტადეის ეფექტური კომბინაცია მანსინიმ ცხრიანში დარტყმით დაასრულა.

მეორე ნახევარში შვარცერმა ორჯერ იხსნა გუნდი — ჯერ იმავე მანსინის აულო, მერე კი პირისპირ დარჩენილ დე როსის აჯობა. 66-ე წუთზე რეი პარლოუმ ჰენალტი აიკიდა, რომელიც მანსინიმ გამოიყენა. ამის შემდეგ ისედაც დაცვიდან მოთამაშე „მიდლსბრო“ კარში „ჩაღვა“, ხოლო „რომა“ იერიშებს აგრძელებდა. ორი ყველაზე რეალური შანსი კუთხურებიდან შექმნეს, მაგრამ აკილანომ ააცილა, ხოლო მექსეშის დარტყმა მოიგერია შვარცერმა. დამატებულ წუთებზე კი იმავე მექსეშმა მეორე ყვითელი მიიღო და გააძევეს.

„რამდენიმე მთავარი ფეხბურთელი გვაკლია, მაგრამ მაინც კარგად ვითამაშეთ. უკეთაც შეიძლებოდა, მაგრამ ბიჭებთან სასაყვედურო არაფერი მაქვს. „მიდლსბრომ“ ფაქტობრივად ერთი მომენტი შექმნა და ისიც გამოიყენა. ამ გოლმა ცოტა აგვრია. მიუხედავად ამისა, მობილიზება და მატჩის შემოტრიალება შეეძლებოდა, მაგრამ სასურველი ანგარიშით ვერ მოვიგეთ. ახლა ყურადღება სერია A-ზე და იტალიის თასზე უნდა გადავიტანოთ“ — აღნიშნა „სპალეტის“ დამაჯერებლად ითამაშა ზუნდერ რაოსის „სევილიამ“ და ორი მატჩის ჯამში დამსახურებულად გავიდა მეოთხედფინალში. მასპინძლები თავიდანვე დაეუფლნენ უპირატესობას თუმცა მომენტებიც გააფუჭეს. მათ საქმე ლილემა ბოდმერმა გაუადვილა, რომელიც ზავი ნავაროს ეუხემა და 26-ე წუთზე მინდვირდანი გააძევეს. მალევე ფრედერიკ კანუტმა ხესუს ნავაროს პასით იხეირა. პირველი ტაიმის დამატებულ წუთებზე კი კანუტის პასით ლუის ფაბიანომ მეორე შეაგლო.

შესვენების შემდეგ „ლილემა“ თამაში შედარებით გაათანაბრა, მაგრამ სახიფათო მომენტები თითქმის არ იქმნებოდა, ფრანგებს მატჩის გადარჩენის იმედი 71-ე წუთზე გაუჩნდათ, როდესაც ხესუს ნავასმა წითელი ბარათი მიიღო და მინდორზე ორივე გუნდი 10 კაციტ დარჩა. თუმცა დარჩენილ დროში გატანა უფრო „სევილიას“ შეეძლო, ვიდრე „ლილს“.

ბიორბი ბაბაბაძე



კაპელო ანჩელოტი ბენიტესი არა! დელ ბოსკი: ეს ულვაში უემირცხვის, რეალს თუ ვულვალტო

საქმეს ისეთი პირი უნანს, მადრიდის „რეალში“ მწვრთნელად ისევ ვისენტე დელ ბოსკეს დააბრუნებენ. ოთხშაბათ საღამოს სამეფო გუნდის თავკაცად შეგულებულმა იტალიელებმა კარლო ანჩელოტი და ფაბიო კაპელომ ურუნალისტებს განუცხადეს, რომ „რეალის“ გამო მათი ამჟამინდელი კლუბების მიტოვებას არ აპირებენ. გუშინ კი ლივერპულმა რაფა ბენიტესმა, კიდევ ერთმა სასურველმა სპეციალისტმა, კლუბთან კონტრაქტი გაახანგრძლივა.
„შეუძლებელია, მადრიდში გადავიდე. „მილანთან“ შეთანხმება მაკავშირებს და ამ გუნდში კიდევ დიდი ხნით დარჩენა მსურს“ — უთხრა მედიას კარლო ანჩელოტი.
„თუ „იუვე“ ჩემთან დაცილებას თავად არ გადაწყვეტს, არსად წასვლას არ ვაპირებ. ტურინში თავს შესანიშნავად ვგრძობ და გამიხარდება, მომავალშიც ჩემს ახლანდელ კლუბთან თუ მომიწევს თანამშრომლობა“ — აღნიშნა „იუვენტუსის“ თავკაცმა კაპელომ.

ამრიგად, „რეალის“ მწვრთნელობაზე ორი სახელგანთქმული იტალიელი და ერთი არანაკლებ ცნობილი ესპანელის უარის შემდეგ „რეალის“ უფროსობას ისევ ძველი კეთილი ულვაში მიაღწევს დელ ბოსკე დარჩენია, მით უმეტეს რომ კლუბს სწორი ვისენტესთან დამდურებული ფლორენტინო პერესი აღარ პრეზიდენტობს. დელ ბოსკე თურქულ „ბეშიქთაშში“ გატარებული პერიოდის მერე უმუშევარი და აცხადებს, რომ მადრიდის „რეალში“ საიმედოებით დაბრუნდება. „თუ „რეალის“ უფროსობა დახმარებას მითხოვს, უარს არ ვეტყვი. ამ კლუბს როგორც ფეხბურთელმა და მწვრთნელმა თითქმის მთელი ცხოვრება შევადგე და დღესაც მზად ვარ, ერთგულად ვემსახურო“ — თქვა „ესპანულატიკოსთა“ ექსპერტულმა „მარკასთან“ ინტერვიუში შეგახსენებო, რომ დელ ბოსკე „რეალში“ ოთხწლიანი წარმატებული საქმიანობის შემდეგ კლუბიდან მამინდელ პრეზიდენტ ფლორენტინო პერესთან კონფლიქტის გამო დაითხოვეს.

Table with match results: აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი, აფხაზური მატჩი.

სარბიელი სამუშაოდ იწვევს
გაზეთში ნამუშევარ დამკავალონებელს მიღება მოხდება შირჩივით
მსურველებმა მოგვაკითხეთ „სარბიელის“ რედაქციაში, ალექსანდრე ყაზბეგის გამზირი 42, II კორპუსი, IV სართული, 15-დან 18 საათამდე. (ორშაბათის და პარასკევის გარდა)
ცნობებისთვის დარეკეთ 39-48-29, 38-11-14

აბა. კიჭეზი დაკრიჭე მადრიდში მოკულეზულ რონალდოს მილანური ცოდვა ამოურიჩხეს

ბრაზილიელ რონალდოს „რეალის“ ფანებთან რომ გართულებული ურთიერთობა აქვს და მომავალ სეზონში გუნდის მიტოვებას აპირებს, ეს უკვე ძველი ამბავია. რონის ერთ-ერთ სამომავლო კლუბად მის ძველ გუნდს, მილანის „ინტერს“ მიიჩნევენ, თუმცა გაირკვა, რომ „ნეროპურის“ ტიფოზებს არ უნდათ, ბრაზილიელი მილანში რომ დაბრუნდეს — 2002-ში „რეალში“ „გაპარვას“ ვერ პატიობენ. გულშემატკვრებმა რონალდოსადმი აგრესია „ინტერ“ — „აიაქსის“ საჩემპიონთალიგო მატჩის დროსაც გამოხატეს.

რონალდო გაეთრიე, „ინტერს“ შენ არ სჭირდება — ერთხმად გაჰყვიროდნენ ტრიბუნაზე შეკრებილი ფანები. „რონალდო „ინტერში“? ეს უფრო მედიის შეთხზული ამბავია,

ვიდრე სინამდვილე. ჩვენი გუნდისთვის ფეხბურთელებს მაშინ ვარჩევთ, როცა ისინი საუკეთესო ფორმაში არიან“ — განუცხადა „გაბეტა დელო სპორტს“ „ინტერნაციონალეს“ პატრონმა მასიმო მორატიმ.

ერთი სიტყვით, რონალდო მილანში ფრიად არასასურველ სტუმრად ითვლება. ამასობაში კი ბრაზილიაში ორი მთავარი შემტევის, კიჭასა და იმავ „ინტერის“ თავდამსხმელის, ადრიანოს საგოლე უქმობაზე წუსან. რონალდოს თებერვლის მერე გოლი არ გაუტანია, ადრიანომ კი წლეულს მეტოქეთა კარი სულ ოთხჯერ დალაშქრა. „რეალის“ მოიერიშეს, ალბათ, ინჩასებთან ჩხუბი თრგუნავს, აი, ადრიანოზე კი ჯერჯერობით ვერაფერს მოგახსენებთ.

ლალო ხომერიკი



ანგელა და ორი ანგელოზი

ბერმანის კანკლერმა ფრაუ ანგელა მერკელმა ბუნდესნაკრების ბუნდესტრაინერ იურგენ კლინსმანს მხარი დაუჭირა, ის სწორ გზაზე დგას და მსოფლიოს ჩემპიონატის წინ ზედმეტი კრიტიკით ხელს ნუ შეუშლითო.

„მწამს, რომ იურგენ კლინსმანი და მისი გუნდი სწორ გზას ადგანან“ — განაცხადა სახელმწიფოს მეთაურმა ბერლინში, კლინსმანთან და ფრანც ბეკენბაუერთან შეხვედრისას. შეგახსენებთ, რომ კლინსმანის წინააღმდეგ კრიტიკის დიდი ტალღა მარტის დასაწყისში, იტალიასთან 1:4 წაგების შემდეგ აგორდა, რასაც მოჰყვა დიუსელდორფში ჩატარებული უორკშოპი, რომელსაც გერმანელთა ეროვნული გუნდის თავკაცი არ დაესწრო და ამით თვით ბეკენბაურიც გაახელა.

მერკელი: „საკუთარი გამოცდილება მაღაპარაკებს, რომ მნიშვნელოვანი მოვლენის

წინ არ უნდა აღვდევო და ორჭოფობა არ უნდა მოგვძალოს. წარმატებისთვის საკუთარი თავის რწმენა აუცილებელი ეკვი არ მეპარება, რომ დიდი სპორტული გამარჯვება გველის. ჩვენ მსოფლიოს ჩემპიონები მეორედ 1974 წელს გავხდით, მესამედ 16 წლის შემდეგ და ახლა კიდევ 16 წელიწადია გასული“.

იურგენ კლინსმანი: „ჩვენ თავს ორჭოფობის ნებას არ მივცემთ. რაც შეეხება ფრანც ბეკენბაურს, ის ჩემთვის ყოველთვის მაგალითი იყო. ის გახდა მსოფლიოს ჩემპიონი, როგორც მოთამაშე, როგორც მწვრთნელი და ვინ იცის, როგორც შეჯიბრების ორგანიზატორიც ჩემპიონი გახდეს“.

ფრანც ბეკენბაურის პასუხი კი ასეთი გახლდათ: „ძალიან მიხარია იურგენმა კალიფორნია რომ დატოვა და გერმანიაში ჩამოვიდა... ზუსტობა, რა საკვირველია“.

ბაპუნა კეღია



ჩამწყობი ჩააყუდას



ჩხეზი „ვიქტორიას“ ყოფილი მენეჯერი ივან პორნიკი შვიდ თვეს ციხეში გაატარებს. ხუთწლიანი პირობითი პატიმრობა პრალის სასამართლომ ნაღდი შვიდთვიანით შეუცვალა. პორნიკი მატჩების ჩაწყობაში ამხილეს და ესაა ჩხეზური ფეხბურთის ისტორიაში უდიდესი სკანდალი. მენეჯერს 31 ათას 250 ევროც ააფუქენეს და ათი წლით ფეხბურთში ცხვირის ჩაყოფა აუკრძალეს.

გაირკვა, რომ პორნიკი მსაჯებს ქრთამავდა და თავისი გუნდისთვის ქულებს ყიდულობდა, როცა „ვიქტორია“ ჩხეზეთის უმაღლეს ლიგაში იყო.

ამ სკანდალში გახვეული კიდევ ათი კაცი, მათ შორის რამდენიმე მსაჯი ციხეს ასცდნენ, მაგრამ ფულის გადახდას — ვერა. ამბობენ, პოლიცია გამოძიებისას ჩხეზეთის ფეხბურთის ფედერაციის ყოფილ ვიცე-პრეზიდენტ მილან ბრაბეკსაც მიაღვატო.



პეპსიფესტი

„პეპსი კოლა“ ახალი რეკლამა გადაიღო და მასში ბოლოდროინდელი ტრადიციის თანახმად ფეხბურთის ვარსკვლავები, დევიდ ბექემი, რობერტო კარლოსი, რაული, ფერნანდო ტორესი, ალესანდრო ნესტა, რონალდინიო, ტიერი ანრი, ფრენკ ლამპარდი და ერნან კრესპო თამაშობენ.

ახალ კლიპში მოქმედება გერმანიაში ხდება, ლედერპოზენში გამოწყობილი ბავარიელების გარემოცვაში. ეს ლედერპოზენი ტყავის შორტს ნიშნავს, კლიპის შინაარსი კი გვარინანდ პეპსურია: ბექემს, ანრისა და ლამპარდს გერმანელები სათამაშოდ იწვევენ. თამაში იქვე, დიდ კარავში გახურდება, რომლის თავსა და ბოლოში კარები დგება.

საინტერესოა ისიც, რომ ვილაცას არ დაეჯარა, კლიპში მიწვეული ფეხბურთელების სატრანსფერო ფასი დააჯამა და 119 მილიონი გირვანქა გამოუვიდა. კლიპს „პეპსიფესტი“ დაარქვეს

ბაპუნა კეღია

თმის გადანერგვის კლინიკა
«ჰეალაინ ნიგერნიუნელ»
 ბელომპოვსნელოი პრითი, თამაზ თამაზაშვილი


- უახლოესი ავტომატული ავტობუსი ცენტრალში
- უთახი უნსულფიცია, მათ შინის პრითისთან
- უნსულფიცია ავტობუსიან
- თმის დანაწილვათა უმპიოფერული დიანონსიცია
- უნდიფერენციოლუბრთა, გაბანფიბრუქული ტიფიკი
- ტაპოლოტოთა თმის გადანერგვა ნაწიურად და მთლიანად
- დამუშავების მუმიეც
- თმა მუნიბრუქად იზბრევა, აღბანბრთს ცეოვა და იქრევა ნუოლობრთა
- თასი იათი და სულმისაწუდები

მსოფლიო და ამერიკის თმის გადანერგვის ასოციაციების მიერ სერთიფიცირებული

ერთადერთი კლინიკა ანთარკაპანიაში

ჩავთახაძის 16 (სამაუხნალო უობინაში)
 ტაი: 30 00 30; (893)62 32 62

www.hairline.ge



საქართველოს განათლების მინისტრის ბრძანებით

Main table containing university names (e.g., შიშქე, შიშქე-2, შიშქე-3), faculties, and their respective numbers for the 2006-2007 academic year.

საქართველოს განათლების მინისტრის ბრძანებით

საქართველოს განათლების მინისტრის ბრძანებით



Table with multiple columns containing numerical data and text labels in Georgian. The table is organized into rows and columns, with some rows starting with 'I' and others with 'II'.

I

Table with multiple columns containing numerical data and text labels in Georgian, continuing from the previous section.

Table with multiple columns containing numerical data and text labels in Georgian. The table is organized into rows and columns, with some rows starting with 'I' and others with 'II'.

I

Table with multiple columns containing numerical data and text labels in Georgian, continuing from the previous section.



ლაყვარდოვან კანში ხვალ ფრენბურთელ ქალთა ჩემპიონთა თასის ოთხთა ფინალი იწყება. ევროპის ოთხი უძლიერესი კლუბის ჩამოქნილი და მტევანმაგარი ქალები კონტინენტის უმთავრესი საკლუბო ტიტულისთვის იბრძოლებენ. ოთხთა ფინალის მასპინძელი ქალაქის კლუბ „კანში“ მთავარქელობს გლდანში დაბადებულ-გაზრდილი, ახლა კი საფრანგეთის მოქალაქე და მსოფლიოს ერთ-ერთი საუკეთესო ფრენბურთელი ვიქტორია რავა. „კანს“ მოცილებდ შყავს ტურნირის შარშანდელი გამარჯვებული, იტალიური „ბერგამო“, ასევე იტალიური „პერუჯა“ და თურქული „სტამბოლი“. „კანის“ ხვალინდელი მეტოქე „ბერგამო“, სადაც უმშვენიერესი და მსოფლიოს ერთ-ერთი საუკეთესო მოთამაშე ფრანჩესკა პიჩინინი ბრწყინავს. სწორედ პიჩინინი და რავა მიიჩნევიან წლევეანდელი ფინალის უძვირფასესი მოთამაშის ნოდების მთავარკანდიდატებად. ჰოდა, ამ ორი ლამაზმანის მეტოქეობა ძალიან საამო და საინტერესო საცქერი უნდა იყოს. „კანმა“ 2002-03 წლების სეზონში მიჯრიო იჩემპიონა, „ბერგამო“ კი შარშანდელი გამარჯვებულია. „კანის“ ზეობისას რავა ორჯერ გახდა ამ ტურნირის უძვირფასესი მოთამაშე, შარშან კი ფრანჩესკა პიჩინინი იყო საუკეთესო. როგორ დასრულდება ხვალინდელი ორი დიდი 12 ნომრის დაპირისპირება, ამას მალე გავიგებთ, მანამდე კი...

სოლის ასე გაბრაზება იქნება?! ვიქტორია რავას ქმარმა სხვა ქალი ამჯობინა

— ერთი სული მაქვს, როდის მოვა მატჩის დღე. ზურგის ტრავმა მქონდა, ვეკურნალობდი, ბოლო ათი დღეა, არც შივარჯიშია, მაგრამ ახლა გავვისინჯე და ექიმმა თამაშის ნება დამრთო. თუ რამე გაუთვალისწინებელი არ მოხდა, ოთხთა ფინალს არ დავაკლდები — გვითხრა ვიქტორია რავამ, საფრანგეთში რომ დაუკავშირდით.

— ათდღიანი უქმობა სათამაშო ფორმაზე გავლენას იქონიება...

— ისეთი არაფერი, პირიქით, კარგი დასვენება გამომივიდა. იმედა, ფინალს ჩვეულ ფორმაში შევხვდები.

— პირველივე მატჩში „ბერგამოს“ ხვდებით. თვლით, რომ ამ წყვილში გამარჯვებული უკვე ჩემპიონია?

— ჩვენი მატჩი ნაადრევ ფინალადაც შეიძლება მივიჩნიოთ, მაგრამ ვერ ვიტყვი, რომ მეორე წყვილში სუსტი მეტოქეები არიან. უბრალოდ, მთავარი ფავორიტები „კანი“ და „ბერგამო“ არიან. ამიტომაც ჩვენი ნახევარ-ფინალი მეტ ინტერესს იწვევს. „ბერგამო“ მოქმედი ჩემპიონია, ჩვენ კი ეს ტიტული უნდა დავიბრუნოთ. ასე რომ, დაძაბული და ლამაზი მატჩი იქნება.

— თქვენი შანსები „ბერგამოსთან“...

— წლეულს ორჯერ შევხვდით, ერთხელ მოვიგეთ, ერთხელ წაგავეთ, მაგრამ ის მატჩი „ბერგამომ“ კი არ მოვიგეთ, ჩვენ წაგავეთ. ისეთი უაზრო შეცდომები დაუშვით, რომ, ფაქტობრივად, გამარჯვება ვაჩუქეთ. იმედა, ამჯერად ეს აღარ განმეორდება. თანაც შინ ვთამაშობთ, სადაც „კანის“ დამარცხება მსოფლიოს ნაკრებსაც გაუჭირდება.

— „კანის“ და „ბერგამოს“ დაპირისპირება სხვა მხრივაც გამორჩეულია. თქვენი და ფრანჩესკა პიჩინინის მეტოქეობას ვგულისხმობ.

— ეს ცალკე თემა... პიჩინინი მსოფლიოს

ერთ-ერთი უძლიერესი მოთამაშეა. ორივე ერთი ამპლუის ვართ და ბევრი საერთოც გვაქვს. მთავარი ინტრიგა კი ჩემმა მეუღლემ, ამირან ჯიომილიმა წამოიწყო. შენზე მაგარი-აო, მითხრა და ახლა უნდა დაუშუქო, რომ მწარედ ცდებოდა. მითხარით, ცოლის ასე გაბრაზება შეიძლება?

— ჩემპიონთა თასის ორგზის საუკეთესო მოთამაშე ხართ. ახლაც გექვთ შანსი, მესამედ მოიპოვოთ ეს ტიტული?

— ამის დიდი იმედი მაქვს. ყველაფერი „კანის“ შედეგზე დამოკიდებულია. თუ ჩემპიონები გავხდით და ჩვეულად ვითამაშე, MVP-ს პრიზი ალბათ მე დამრჩება. თუ „ბერგამო“ გავიდა ფინალში, პიჩინინი საუკეთესოს წოდებას არავის დაუთმობს. ესეც დამატებითი სტიმული ჩემთვის.

— ესე იგი, მოტივაცია არ გაკლიათ.

— ყველანაირად დამუხტული ვარ. თუ მაგრად ვითამაშე, ეს ამირანის და პიჩინინის დამსახურება იქნება.

— თუ ფინალში გავხვდით, მეტოქედ რომელს ისურებდით — „პერუჯას“ თუ „სტამბოლს“?

— ორივე ძლიერი გუნდია. ისე, ალბათ, „პერუჯა“ გავა ფინალში. საამისოდ ამ გუნდს შემადგენლობაც ჰყავს და გამოცდილებაც აქვს. ერთი-ორი გამონაკლისის გარდა „პერუჯა“ ოთხთა ფინალის მუდმივი მონაწილეა, თუმცა არ გამიკვირდება, თუ „სტამბოლი“ აჯობებს. თურქებს გუნდი-სიურპრიზი ჰყავთ, არაორდინარულ ფრენბურთის თამაშობენ. თურქეთში მითამაშია და ვიცი, რა სერიოზულად უდგებიან საქმეს.

— საქართველო, აზერბაიჯანი, თურქეთი, მცირე ხნით იტალია, ახლა საფრანგეთი... ყველგან ვითამაშეთ. ჩავთვალთ, რომ თქვენი კარიერის გეოგრაფია აღარ გაფართოვდება?

— დიას ასეა. თანაც ორ-სამ წელიწადში კარიერასაც დავასრულებ. ახლა საფრანგეთის ნაკრებში თამაშზე ვფიქრობ, პეკინის ოლიმპიადაზე ალბათ ვითამაშებ, მერე კი ფრენბურთიდან წავალ. მე და ამირანს გვინდა, სრულყოფილი ოჯახი გვქონდეს. მე კანში ვარ, ამირანი — ნიცაში, ერთმანეთს ხშირად კი ვხვდებით, მაგრამ ეს ის არ არის, რაც გვინდა. თანაც დროა, შევიზვეც ვიფიქროთ... ერთი სიტყვით, ორი სეზონიც და სპორტულ კარიერას დავასრულებ.

— ამირანის საქმეები როგორაა?

— საკმაოდ წარმატებულად თამაშობს. მისი „ნიცა“ ბოლო დროს თამაშს თამაშზე იკებს და ლიდერთა ზუთუელშიც შევიდა. ამირანიც კარგ ფორმაშია, მისი სახით საქართველოს ნაკრებს სერიოზული ძალა ეყოლება.

— გმადლობთ საუბრისათვის და ჩემპიონობას ვისურვებთ.

— თუ მოვიგებთ და საშუალება მომეცა, საქვეყნოდ ვიტყვი, რომ ამ გამარჯვებას საქართველოს ვუძღვნი.

ბაჩო სვანიძე

ოთხთა ფინალი
 ანონ. 18-19 მარტი

18 მარტი
კანი — ბერგამო
 (ნტვ-სპორტი, პირდაპირი, 20.25)
სტამბოლი — პერუჯა
 (ნტვ-სპორტი, პირდაპირი, 23.25)
 19 მარტი
მატჩი მმ-3 ალბილისთვის
 (ნტვ-სპორტი, პირდაპირი, 17.25)
 19 მარტი
ფინალი
 (ნტვ-სპორტი პირდაპირი, 19.55)

სარბიელი
 სპორტული გაზეთი
 გაამოიცვამა 1990 წლის
 28 დეკემბრიდან
 გაამოიცვამს ორშაბათს,
 სამშაბათს, ოთხშაბათს,
 ხუთშაბათს,
 პარასკევს და შაბათს

გამომცემელი ზურაბ შოთაბერიძე
 დირექტორი ბიორგი ოქროსაძე
 მთავარი რედაქტორი თამაზ მიხრიაშვილი
 პასუხისმგებელი რედაქტორი კახა შალვაშვილი
 ტექნიკური რედაქტორი მამუკა გუბაშვილი
 ქართული ფეხბურთის რედაქცია: დავით თავართქილაძე,
 კობა ინასარიძე, ილია ნანობაშვილი, ვიორგი ნოზაძე
 უცხოური ფეხბურთის რედაქცია: ვასა სანიშვილი
 უცხოური ფეხბურთის რედაქცია: გიორგი ახვლედიანი,
 ილია ბაბუნაშვილი, ვიორგი ღარიბაია, ვიორგი ვაშაძე

ვიორგი კაკაბაძე, ლადო ხომერიკი
 ინფორმაციის რედაქციის რედაქტორი: ირაკლი შირაშვილი
 ინფორმაციის რედაქცია: ვაია ახალაძე, ანდროსი გურასაშვილი,
 ოთარ მალაქვილიძე, ირაკლი პერტაია, პანო სვანიძე
 ფოტორეპორტიორები: გურამ დოღუნაშვილი, ბადრი კვიციანი
 სტილისტები: ნათელა გიორგობიანი, ლალი გოხალიშვილი
 კომპიუტერული ცენტრი: ლეილა ბეგლაროვა, ლია ბესელია,
 ნათელა ბუხუნიშვილი, თამაზ გოგებაშვილი, ფატი დვალისძე,
 მაგდა დოგრაშვილი, რუსუდან ერისთავი, ზვიად მოსიაშვილი,
 თამარ ქინქლაძე, ზურაბ წერეთელი

რედაქციის მისამართი:
 თბილისი, ალექსანდრე
 ჯავახიშვილის გამზირი 42, II
 კორპუსი, IV სართული.
 საფოსტო მისამართი:
 თბილისი — 79, საფოსტო
 ყუთი 208. ტელეფონი: 39 48 29
 ელექტრონული ფოსტა
 sarbieli@gol.ge
 ელექტრონული ვებ-საიტი
 http://www.sarbieli.com.ge